

鄭

氏

爻

辰

補

易兼三才而天道爲大天垂象見吉凶聖人則以作易
故康成解易稽諸天象謂之爻辰或病其執滯不足盡
易之蘊不知眾星布列體生於地精成於天列居錯峙
各有道屬在朝象官在野象物在人象事三才交與皆
萃於此然則爻辰之言天象於易獨見其大不可訾也
惜鄭注散佚見引於詩禮正義者僅十餘則棠謹依其
例逐爻補之歲歷一周稿凡三易區區私心竊謂已盡
然究未知所見果與康成有合否也丹徒戴棠記

鄭氏爻辰補

凡例

一爻辰取象有三例泰六五注云五爻辰在卯仲春之
月坎上六云爻辰在巳巳爲蛇明夷六二云辰在酉酉
在西方困九二云爻辰在未未爲土此以辰論四方五
行十二月十二肖一也賁九三云位在辰得巽氣爲白
馬明夷九三云九三爻在辰得巽氣爲股此以辰得卦
氣二也比初六云爻辰在未上值東井井水人所汲坎
六四云爻辰在丑丑上值斗斗上有建星形似箕困九

二云辰在未未上值天廚酒食象此以辰得宿象二也

張惠言周
易鄭荀義

一爻辰得宿象亦有二例坎六四云爻辰在丑上值斗
斗上有建星形似簋此以形言者也困九二云辰在未
未上值天廚酒食象此以所主之事言者也

一爻辰有以本宮宿取象者比初六有孚盈缶云爻辰
在未上值東井井之水人所汲用缶汲器是也

一爻辰有以本宮附星取象者坎六四尊酒簋貳用缶
納約自牖注爻辰在丑丑上值斗可以斟之象斗上有

建星建星之形似箕貳副也建星上有弁星弁星之形又如缶是也

一爻辰有以世爻取象者如離九三不鼓缶而歌注云艮爻也位近丑丑上值弁星弁星似缶是也

一爻辰有以承乘比應取象者如困于酒食注云二據初辰在未未爲土此二爲大夫有地之象未上值天廚酒食象乾鑿度孔子曰復表日角鄭注云表者人體之章識也名復者初震爻也震之體在卯日出於陽又初應在六四於辰在丑爲牛牛有角復人表象是也

一爻辰有以消息言者乾鑿度夬表升骨履文鄭注名

夬者五立於辰

惠棟云據消息也爻辰在申

在斗魁所指者

張惠言云夬三

月卦斗

又五於人體當艮卦

惠棟云艮爲人

於夬亦手體成

棟

云艮

爲手其四則震爻也爲足其三猶艮爻于十次值本

于析

案于十次值本于析八字惠本闕張本有之恐有錯誤

七曜之行起焉七者

屬文北斗在骨足履文夫人表之象明也是也

案以上諸例皆

康成易注及乾鑿度注所有者是書謹以其例推之

一爻辰不盡以爻言如中孚豚魚吉注云三辰在亥爲

豕四辰在丑爲鼈蟹則卦辭以爻辰言也說卦震爲大

塗注震上值房心塗而大者取房有三塗焉則說卦以
爻辰言也然爻辰究專指爻象故是書於爻辭謹依其
例補之而其餘則多未及

一以爻辰說易不獨康成如易緯乾鑿度

乾鑿度云孔子曰歲三百

六十日而天氣周八卦用事各四十五日方備歲焉故
艮漸正月巽漸二月坤漸七月乾漸九月而各以卦之
所言爲月也乾者天也終而爲萬物始北方萬物所始
也故乾位在於十月艮者止物者也故在四時之終位
在十二月巽者陰始順陽者也陽始壯於東南方故位
在四月坤者地之道也形正六月四維正紀經緯仲序
畢矣又曰乾坤陰陽之主也陽始於亥形於丑乾位
在西北陽祖微據始也陰始於巳形於未據正立位故
坤位在西南陰之正也君道倡始臣道終正是以乾
位在亥坤位在未明以明陰陽之職定君臣之位也史

遷律書

見說卦帝山乎震注

王充論衡

王充論衡云寅木也其禽虎也戌土也其禽犬也丑

未亦土也丑禽牛未禽羊也木勝土故犬與牛羊為虎

所服也亥水也其禽豕也巳火也其禽蛇也子亦水也

其禽鼠也午亦火也其禽馬也水勝火故豕食蛇火為

水所害故馬食鼠菌而腹脹又云酉雞也卯兔也申猴

也東方木也其星蒼龍也西方金其星白虎也南方火

也其星朱鳥也北方水也其星元武也天有四星之精

降生四獸之體以四獸驗之以十二辰之禽效之

學紀聞云吉日庚午既差我馬午為馬之證也季冬出

土牛丑為牛之證也蔡邕月令論云十二辰之會五時

所食者必家人所畜丑牛未羊戌犬酉雞亥豕而已其

餘虎以下非食也月令正義云雞為木羊為火牛為土

大為金豕為水但陰陽取象多塗故午為馬酉為雞不

可一定也說文亦漢書律術志案漢書律術志載劉歆

謂已為蛇象形

見惠棟十二辰圖說後

均有其說易家如費直

見繫辭

圍天地之化
京房案房有周易分
馬融于左般釋文引

而不過注
野見後漢書
无妄天命不佑行矣

馬融云般旋也
日隨天左旋也
繫辭大衍之數五十

哉釋文引馬融云
謂天不右行
易有太極謂北辰也太

其用四十有九
易疏引馬融云
易有四時生五行

極生兩儀兩儀生
日月月生四時
四時生五行五行

生十二月十二月
生二十四氣
北辰居位不動其用四

十有九轉運而用
也張惠言易義別錄
以此太極謂北

辰推前天命不右
行明夷于左般則馬
以天行次舍說

易可知鄭氏爻辰
蓋亦從此出也
荀九家見沫注繫辭
範

禮記曰夫禮必本
于太乙分而荀九家
見沫注繫辭範

為天地正與易言
太極同義荀九家
見沫注繫辭範

圍天地之化而不
過陸績見繫辭觀鳥
何安潛龍勿用

注說卦艮為狗注
陸績獸之文注何安
陽氣潛藏

集解引何安曰當
十一月陽氣雖動猶
在地中故云潛

龍也終日乾乾與
時偕行何安曰此當
三月陽氣浸

長萬物將盛與天
之運俱行不息也
或躍在淵乾道

乃革何安曰此當
五月微陰初起陽
將改變故云乃革

下元之長浦
凡列

四

也 飛龍在天乃位乎天德何安曰此當七月萬物盛

長天功大成故曰天德也 亢龍有悔與時偕極何安

曰此當九月陽氣大衰以及宋朱震漢上易傳案宋朱

向將極盡故云偕極也 明何楷周易訂詁震說卦

圖說與鄭氏背然其注所說 明何楷周易訂詁震說卦

頗有與鄭氏合者故採之 明何楷周易訂詁震說卦

注 國朝毛奇齡仲氏易 俱用鄭氏爻辰 易小帖 見

夷初九注小過 徐文靖經言拾遺 比初六泰六五賁六

飛鳥遺之音注 辭斷木為杵掘地為曰說卦帝出乎震震為龍注 惠

棟易漢學 家說及圖一卷 周易述 見坤西南得朋坤

夷六五箕子 錢大昕潛研堂文集 有爻辰十二則悉採

之明夷注 仲翔解虎尾虎視虎變皆以坤為虎護俗儒以兌為虎

失何也曰卦位坤在西南未申之間於天文參為白

虎正當寅沈西方管輅傳亦云申未爲虎漢儒據禮左
蒼龍右白虎震爲龍則兌當爲虎然於天文未密故仲
翔譏之案案兌在西方亦上值白虎錢大昕謂於天文
未密恐誤又云康成初習京氏易後從馬季長授費
氏易費氏有周易分野一莊存與味經齋遺書案味經
書其爻辰之法所從出乎
八卦觀象解二篇以卦象證天象不專指爻言
然爻卽在卦中且以鄭氏例推之亦多合者
王昶春
融堂集有爻辰十二則悉採入王昶云易乾九二爻
則九三爲建辰之月九四爲建午之月陰氣始殺不宜
稱飛龍在天上九爲建戌之月羣陰旣盛不得言與時
偕極此時陽氣僅存何極之有諸儒此說於理稍乖此
乾之陽氣漸生似聖人漸出宜據十一月之後至建巳
之月已來乾坤之象其應然也孔氏黜鄭崇王故有是
難然又云陰陽二氣共成歲功故陰與之時仍有陽在
陽生之月尚有陰存所以六律六呂陰陽相間取象論
義與此不殊則又未嘗盡非鄭學也蓋陰陽大運無不
鄭氏爻辰補凡列

八宿依氣而定謂之爻辰 易義別錄馬氏易序又云
馬於象疏鄭合之以爻辰馬於人事雜鄭約之以周禮
鄭精於馬黎世序河上易註見坤卦辭安貞吉損六五十朋
於馬龜說卦震
注為龍 以上諸書凡所說與爻辰相關涉者悉為採入

一王應麟輯康成易注一卷其序云今鄭注不傳其說
聞見於李鼎祚集解及釋文詩三禮春秋義疏後漢書
文選注因綴而錄之先儒象數之學於此猶有考云近
世惠定宇因王氏採摭未備又不注其所出因重為補
正凡增入九十二條編新本鄭氏周易三卷較王本為
善然究非完書故是書有鄭注者以鄭注為主其或有

注而注不全及注全亡者則以漢魏諸家所說補之若漢魏諸儒義或未洽則以國朝諸儒所說補之不敢妄參已見

一是書所取星名惟史記前後漢及晉隋諸史與開元占經所有者始敢採入若名之起於近代者概不敢引一甘石星經散佚已久世所傳者僞本而已茲所徵引皆從史漢晉隋諸史及唐開元占經採出庶幾可信一惠張兩家止有鄭氏爻辰圖而天文圖則未及茲補南北極兩圖庶幾展卷星象了然


一歷代星躔分宮互異是書一遵隋丹元子步天歌庶歸畫一

一惠張兩家止列乾坤分配十二辰圓圖其餘諸卦則未之及以他卦皆可從乾坤推也王昶更將十二辰分列六十四卦不待思索而象已見故從春融堂集採入一注書宜折衷於一是書於爻辰有兩說者悉附入注下所以廣異聞也

一康成以爻辰釋易三百八十四爻當無不可通然棠學術淺陋是書僅及一時所見及者補之其不能推者

仍闕如也尙祈博雅君子教棠不逮

鄭氏爻辰圖



周易乾鑿度曰乾陽也坤陰也並如而交錯行乾貞於

十一月子左行陽時六

康成注云貞正也初爻以此爲正次爻左右者各從次數之

坤貞於六月未

乾坤陰陽之主陰退一辰故貞於未

右行陰時六以順成

其歲歲終從於屯蒙

歲終則從其次屯蒙需訟是也

又云陰卦與陽卦

同位者退一辰以未爲貞其爻右行閒時而治六辰

陽陰

同位陰退一辰謂左右交錯相避

惠棟案乾鑿度之說與十二律相生


圖合鄭於周禮太師注云黃鐘初九也下生林鐘之初

六林鐘又上生泰蕤之九二泰蕤又下生南呂之六二

南呂又上生姑洗之九三姑洗又下生應鐘之六三應

鐘又上生蕤賓之九四蕤賓又上生大呂之六四大呂
又下生夷則之九五夷則又上生夾鐘之六五夾鐘又
下生無射之上九無射又上生中呂之上六韋昭注周
語云十一月黃鐘乾初九也十二月大呂坤六四也正
月泰蒺乾九二也二月夾鐘坤六五也三月姑洗乾九
三也四月中呂坤上六也五月蕤賓乾九四也六月林
鐘坤初六也七月夷則乾九五也八月南呂坤六二也
九月無射乾上九也十月應鐘坤六三也鄭氏注易陸
績注太元皆同前說是以何妥文言注以初九當十一

月九二當正月九三當三月九四當五月九五當七月
上九當九月也宋儒朱子發作十二律圖六二在巳六
三在卯六五在亥上六在酉是坤貞于未而左行其誤
甚矣



張惠言云八風行二十八舍隨斗左旋故鄭注月令云
正月宿值箕尾八月宿值昴畢六月宿值鬼又云值東
井九月宿值奎十月宿值營室又云卯宿值房星申宿
值參伐皆言斗建之次與此卦宿合 說詳帝出乎震
節注

王相六十四卦爻辰分配圖

乾



子寅辰
午申戌

坤



未酉亥
丑卯巳

屯



子酉亥
丑申巳

蒙



未寅亥
丑卯戌

需



子寅辰
丑申巳

訟



未寅亥
午申戌

師



未寅亥
丑卯巳

比



未酉亥
丑申巳

小畜



子寅辰
丑申戌

履



子寅亥
午申戌

泰



子寅辰
丑卯巳

否



未酉亥
午申戌

同人



子酉辰
午申戌

大有



子寅辰
午卯戌

謙



未酉辰
丑卯巳

豫



未酉亥
午卯巳

鄭云泰六五
爻辰在卯見
周禮疏

鄭云坤上六
為蛇得陽氣
雜似龍見詩
正義

隨 ䷐ 子酉亥
午申巳

蠱 ䷑ 未寅辰
丑卯戌

鄭云蠱上九
艮爻艮為山

臨 ䷒ 子寅亥
丑卯巳

觀 ䷓ 未酉亥
丑申戌

辰在戌得乾
氣見禮記正

噬嗑 ䷔ 子酉亥
午卯戌

賁 ䷖ 子酉辰
丑卯戌

義
鄭云賁九三
位在辰得巽

剝 ䷖ 未酉亥
丑卯戌

復 ䷗ 子酉亥
丑卯巳

氣見禮記正
義

无妄 ䷘ 子酉亥
午申戌

大畜 ䷙ 子寅辰
丑卯戌

鄭注乾鑿度
云復六四於

頤 ䷚ 子酉亥
丑卯戌

大過 ䷛ 未寅辰
午申巳

辰在丑剝六

坎 ䷜ 未寅亥
丑申巳

離 ䷄ 子酉辰
午卯戌

五辰在卯
鄭云大過上

咸 ䷞ 未酉辰
午申巳

恆 ䷟ 未寅辰
午卯巳

六位
當巽位見禮

遯 ䷠ 未酉辰
午申戌

大壯 ䷡ 子寅辰
午卯巳

記正義
鄭云坎六四

晉



未酉亥
午卯戌

明



子酉辰
丑卯巳

辰在丑丑七
值斗見詩宛

家人



丑申戌
子酉辰

睽



子寅亥
午卯戌

邱正義 又
云坎上六爻

蹇



未酉辰
丑申巳

解



未寅亥
午卯巳

羊疏
辰在巳見公

損



丑寅亥
子寅亥

益



子酉亥
丑申戌

鄭云明夷六
二辰在酉見

夬



子寅亥
午申巳

姤



未寅辰
午申戌

禮記正義

萃



未酉亥
午申巳

升



未寅辰
丑卯巳

困



未寅亥
午申巳

井



未寅辰
丑申巳

鄭云困初辰
在未上值天

革



子酉辰
午申巳

鼎



未寅辰
午卯戌

廚酒食象又
云困四爻辰

震



子酉亥
午卯巳

艮



未酉辰
丑卯戌

疏
在午見儀禮

漸 未酉辰

豐 子酉辰

巽 未寅辰

渙 未寅亥

中孚 子寅亥

既濟 丑申巳

歸妹 子寅亥

旅 未酉辰

兌 子寅亥


節 丑申巳


小過 未酉辰

未濟 午卯戌


鄭云中孚三辰為亥四辰為丑見詩正義

近北極星





丑宮




赤道北圖


七

宮 寅







宮辰





午宮




未宮











子宮













官 戌


天倉


三

赤道南圖












官午







未道南圖

美



近南極星





鄭氏爻辰補卷一

丹徒戴棠著

乾

初九潛龍勿用

鄭康成注周易以變者爲占故稱九稱六

易疏

案初九辰

在子。上值紫微垣句陳。荆州占曰句陳者黃龍之位也。

開元占經子爲北方屬水龍潛於水故曰潛龍

周易集解引馬融云物莫

大於龍故借龍以喻天之陽氣也初九建子之月陽氣始動於黃泉既未萌芽猶是潛伏故曰潛龍也案馬云建子之月是十二月消息卦非鄭氏爻辰乾起于坤起未間時而主六辰之法也然與爻辰相發明故附錄之

初九震爻位近卯房心尾屬之。爾雅大辰房心尾也。左傳疏引李巡注云大辰蒼龍體。北堂書鈔引春秋運斗樞曰房爲龍角公羊疏引李巡云大火蒼龍宿之心以候四時故曰大辰信五年左傳云龍尾伏辰故說卦云震爲龍。

九二見龍在田

九二辰在寅屬東方。淮南天文訓東方木也。其獸蒼龍。高誘注木色蒼。蒼龍順其色也。乾二上值箕尾蒼龍之末。爾雅箕斗之間漢津也郭注箕龍尾。邢疏云箕在蒼龍之末故云龍尾。出潛離隱故云見龍。鄭注二於三才爲地道。地上卽田。故稱田也。集解

九三君子終日乾乾

九三艮爻位近寅寅爲人之始。

惠棟云艮主斗斗建十二辰艮爲人斗合於人

統。鄭云三於三才爲人道有乾德而在人道君子之象。

集解案艮上值牽牛尚書考靈曜曰日月五星冬至起牽

牛徐堅初學記

於是日周天一終故云終日以乾接乾故云

乾乾。

九四或躍在淵

九四震爻上值蒼龍與初爻同。

九四辰又在午石氏

星書云中宮黃帝其精黃龍爲軒轅張衡靈憲云蒼龍

連蜷於左，白虎猛據於右，朱雀奮翼於前，靈龜匿首於後，黃龍軒轅於中，則軒轅一星，與蒼龍、白虎、朱雀、玄武四獸爲五矣。俱北堂書鈔乾九四值之，故有龍象。躡廣雅云上也。

九五飛龍在天

九五辰在申，上值畢附星咸池。黃帝占曰咸池一名黃龍。注云咸池者蒼龍之舍也。開元占經龍飛而云在天者，鄭云五於三才爲天道，天者清明无形，而龍在焉，飛之象也。集解

上九亢龍有悔

上九辰在戌。上值紫微垣。句陳。荆州占曰。句陳黃龍之

位也。

開元占經

陽極於上。故亢。

集解引子夏傳亢極也。

鄭云堯之末年。

四凶在朝。是以有悔。未大凶也。

易疏

坤

西南得朋。東北喪朋。安貞吉。

漢書律術志載劉歆說。三統者。天施地化人事之紀也。

十一月乾之初九。故黃鍾爲天統。六月坤之初六。故林

鍾爲地統。正月乾之九三。

宋祈云三當爲二。

故太簇爲人統。其

於三正也。黃鍾子爲天正，林鍾未之衝，丑爲地正，太族

寅爲人正，三正正始。是以地正適其始，紐於陽，東北丑

位。易曰：東北喪朋，迺終有慶，答應之道也。惠棟周易述

爻辰初在未，未西南陰位，故得朋。四在丑，丑東北陽位，

故喪朋。地闕於丑，位在未，未衝丑，爲地正，承天之義也。

故安貞吉。疏云：坤初六在未，未值西南，又坤之位，故得

朋。六四在丑，丑值東北，陽位，故喪朋。漢書天文志曰：東

北地事天，位是也。子爲天正，丑爲地正，初在未，四在丑，

地正適其始，衝氣相通也。衝猶對也。淮南天文曰：其對

爲衝，天開於子，地闕於丑，承天之義。漢楊震疏曰：臣聞

師言，坤者陰精，當安靜承陽，然則坤之卦爻皆有承天

之義，則此得朋喪朋，當指坤之一卦而言，故用劉氏之

說以爻辰釋之。乾元亨利貞貞字，子夏傳云：正也。黎

世序河上易註曰：乾鑿度論爻辰曰：乾陽坤陰，並洽而

交錯行，乾貞於十一月子，左行陽時六，坤貞於六月未。

右行陰時六此以時之起處爲正

初六履霜堅冰至

鄭讀履爲禮。

釋文 臧在東云鄭本經文當作禮鄭注之云禮讀爲履後人依注改經又依經改

注 褚氏曰履霜者從初六至六三堅冰者從六四至上

六。易疏

案九月霜降在寒露後小雪前六二辰在酉寒露六三辰在亥小雪故云履霜從初六至六三地

十二月水澤腹堅六四辰在丑十二月也 案初六辰在未一陰始凝履二三

而知日後四五上陰必盛故言履霜堅冰至。

六二直方大不習无不利

鄭云直也。方也。地之性。此爻得中氣而在地。上自然之

性廣生萬物。故生動直而且方。禮深衣疏惠棟云。習重也。與
龔通。春秋傳曰。卜不龔吉。習吉。猶重吉也。不習者言不
煩再筮也。案六二辰在酉。得兌氣。兌爲澤。龜。侯果損六
五象注
龜主占卜。坤六二得陰之正。故不習无不利。

六三含章可貞。或從王事。无成有終。

六三辰在亥。上值壁。石氏讚曰。東壁主文章。開元
占經三兌

爻。兌爲口。說卦故含章。三失位。發得正。故可貞。惠棟周

易述注。乾爲王。坤爲事。三之上。終乾事。故或從王事。无
成有終。疏云。荀子曰。主道知人。臣道知事。坤臣道。故坤

爲事。三爲三公。得從王事。乾立於巳。爻辰上六亦在巳。故云三之上。終乾事。

六四括囊

坤爲囊。

易九家

六四辰在丑。得艮氣。艮爲手。

說卦

四又巽爻。

巽爲繩直。

說卦

以艮手持巽繩。故云括囊。

前漢書囊括四海。張晏注括結

囊也。

六五黃裳

六五辰在卯。得震氣。震爲元黃。

說卦

五又離爻。離爲黃。

鄭

成易通

卦驗注。位近午。上值七星。荊州星占曰。七星主衣裳文。

繡北堂書鈔

故曰黃裳。鄭云如舜試天子。周公攝政。

隋書李德林傳

上六龍戰于野

鄭云。上六爲蛇。

易漢學云。上六在巳。案王充論衡云。巳火也。其禽蛇也。故云。上六爲蛇。

得

乾氣。雜似龍。

詩疏

易漢學注。繫辭云。觀鳥獸之文。陸

宿之

惠棟云。乾西北之郊。稱野。

說文云。壬位北方。陰極陽生。易曰。龍戰于野。戰

者接也。

屯

初九 利建侯

初九辰在子。王昶云。子上值中宮天柱五星。隋志云。建

政教立圖法之府。故曰利建侯。春融案子又上值女附

星十二諸侯。文獻通考十二國有十六星。齊一星在九

北一星曰越。越東二星曰周。周東南北列二星曰秦。秦

南二星曰代。代西一星曰晉。晉北一星曰韓。韓北一星

曰魏。魏西一星曰楚。楚南一星曰燕。其星有變各以其國。惠棟云古侯不世。賢則建

六二 乘馬班如匪寇婚媾女子貞不字十年乃

字

鄭云馬牝牡曰乘。釋文讀為畜馬乘之乘。案馬謂初也。初

震爻辰在卯。上值房。石氏曰房為天馬。主車駕。開元二

乘初故乘馬震爲馬作足

說卦

故班如

案班釋文云鄭作般文選西京賦注

云班與般古字通馬融云班班旋不進也鄭解般如當與馬同

九五坎爻坎爲寇

度服

左氏傳十年然五與二

陰陽相應

五雖在坎中實匪寇也

婚媾也鄭云葍猶會也

易疏

案一切經音義四引國語賈君注重昏曰媾毛詩候人

傳媾厚也

葍卽媾案坎辰在子。上值須女。甘氏曰將有嫁娶。

占於須女

開元占經

故云婚媾。士昏禮曰女子許嫁。笄而醴。

之稱字。二不許初。故不字。下互坤。

繫上云天九地十

三動反正。

陰陽氣通。故十年乃字。

六三卽鹿無虞。惟入于林中。君子幾不如舍。

釋名山足曰麓。

案詩旱麓傳麓山足也周語引詩作旱鹿穀梁僖十四年傳林屬於山爲鹿與

此經卽鹿無虞皆以鹿爲麓鹿麓古字通

屯上互艮爲山。

說卦三在山下故稱

麓卽論語包咸注云就也。虞虞翻云謂虞人掌禽獸者。

案六三辰在亥。上值室附星八魁。文獻通考八魁主張

禽獸之官。蓋卽山虞也。无虞以從禽。徒入于林中。不可

獲也。幾鄭本作機云弩牙也。

釋文案莊子齊物論云其

發若機括。釋文弩牙曰機。舍謂舍拔。詩駟鐵曰舍拔則

獲毛傳拔矢末也。三兌爻上值畢。史記天官書畢主弋

獵。畢附星有參旗。晉書天文志參旗一名天弓。主司弓

駑之張。候變禦難。上乘五馬。與三不相應。往無所得。故曰機不如舍。

六四乘馬班如求婚媾

馬謂初也。初震爻辰在卯。上值房。爾雅云。天駟房也。四乘初。故曰乘馬。班如解詳二爻四辰在丑。上值女。聖洽符曰。須女者。主娶嫁也。開元占經初以貴下賤。求四。故曰求婚媾。

九五屯其膏

九五辰在申。上值井。附星天樽。晉書天文志。天樽主盛饘粥。以給貧餒。膏象也。五陽主施。而膏澤不下於民。故

屯其膏。

上六乘馬班如

馬謂五也。五坎爻。坎於馬也。爲美脊。爲亟心。爲下首。爲薄蹄。爲曳。說卦坎辰在子。上值危。附星造父。晉書天文志

造父。御官也。一曰司馬上乘五。故曰乘馬。班如解屯上

體坎。上值虛。北宮候曰。虛主哭泣。開元占經故泣血漣如。

蒙。

初六發蒙。利用刑人。用說桎梏。

蒙下體坎。坎爲穿木。虞翻注鄭云。木在足曰桎。在手曰梏。

周禮大發動也。

虞翻注

初動體兌。惠棟云。兌正秋。周書小

開武曰。秋以紀殺。案兌上值昴。石氏讚曰。昴主獄事。開

占。故利用刑人。坎象毀壞。故用說桎梏。王昶云。初六

辰在未。上值井。黃帝占云。東井主水。用法清平如水。故

曰利用刑人。用說桎梏。春融堂集

九二包蒙吉納婦吉子克家

包。鄭云。當作彪。彪。文也。釋文案廣雅釋詁。彪。文也。法

彪。文也。是。九二辰在寅。柳榮宗曰。王充論衡。寅木也。其

禽虎也。革九五。大人虎變。未占有孚。象曰。大人虎變。其

文炳也。虎以喻文。知彪亦然。故云彪蒙。

經義述聞云。藝文類聚引漢胡

廣徵士法高卿碑曰。彪童蒙。作世師。蔡邕處士園叔則碑曰。童蒙來求。彪之用文。又司徒袁公夫人馬氏靈表曰。俾我小子。蒙昧以彪。皆用蒙卦之辭。則九二之包蒙。當時諸家易說。必有作彪而訓爲文者。故鄭本之爲說。二坎爻。位近子。上值女。晉書天文志。須女主嫁娶。女附

星有十二諸侯。

詳見屯初

莊存與曰。禮曰。納女於天子曰備

百姓。十二國之象也。天子一取十二女。所以廣嗣重祖

也。故云納婦吉。

馬庚吉云。九二辰在寅。上值尾九星。爲後宮之場。又值箕四星。爲后妃之府。有

婦象焉。故

納婦吉。二互震。辰在卯。上值心。史記天官書。大星天

王。前後星。子屬。

索隱曰。鴻範五行傳云。心之大星。天子。後星。庶子。故云子

克家。

六三勿用取女見金夫不有躬

初發成兌爲少女。說卦以陰居三不中不正故勿用取金

夫謂上也。上辰在戌得乾氣乾爲金。說卦艮爲乾體故曰

金夫。三互坤爲身。虞翻家人上九象注上不求三三求上故見金

夫不有躬。

六四困蒙吝

蒙上體艮六四辰在丑又得艮氣艮象傳云艮止也。案四无應遠於二爲艮所止故困吝。

六五童蒙吉

五互坤。辰在未上。值井附星子孫。文獻通考。丈人東二星曰子。子東三星曰孫。子與孫皆侍丈人之側。相扶而居。故有童象。陸績曰。六五陰爻。在蒙暗。故蒙。集解

上九擊蒙不利爲寇利禦寇

擊。鄭作繫。釋文從馬融本也。案蒙上體艮爲手。說卦艮下有

伏巽。巽爲繩直。說卦故云繫蒙。上與三應。三體坎。五變上

動。亦爲坎。坎辰在子。上值元枵之次。土虛而民耗。盜之象見矣。故上與三均有寇象。上逆乘五。故不利爲寇。上

辰在戌上值奎。石氏讚曰：奎主庫兵。禁不時。開元占經。故利。

禦寇。禦釋詁云：禁也。

需

雲上於天

需下體乾。辰在亥。上值壁。附星雲雨。隋書天文志：壁、壘、

壘、壁、故云雲上於天。

初九需于郊

初辰在子。子屬北方。初居乾之始。乾位西北之地。故稱郊。不犯坎難。故需于郊。

九二需于沙小有言

鄭注沙接水者。

詩鳥驚疏

釋文云沙鄭作泚九經古義云泚

當作泚與沙同釋文作泚字之誤也案二坎中爻乃水

中之剛者故曰泚王昶云二辰在寅上值天江四星石

氏曰天江明動大水不具津梁不通故需于沙

春融趙堂集

彥修云九二坎爻上值室爲娠訾之口故小有言案寅

又上值箕史記天官書箕爲敖客曰口舌

索隱曰宋均云敖調弄也

箕以簸揚調弄爲象又引詩云維南有箕載翁其舌又詩緯云箕爲天口主出氣是箕有舌象讒言故詩曰哆

兮哆兮成是南箕謂爲敖客行請謁也

石氏曰箕舌一星芒動則大風不

出三日。箕舌動如翅。風揚沙。

開元占經

需于沙。小有言象之。

九三需于泥致寇至

三辰在辰。屬土。而與上坎接。坎爲水。

說卦

以水沃土。使相

黏近。泥象也。

集解引荀氏曰。親與坎接。故稱泥。

三須止不進。故需于泥。

然外至之災。匪惟泥也。外卦坎爲寇。

服虔左氏傳十五年傳注

坎辰

在子。上值室。附星壁壘陣。邽萌曰。陣星備武急。非其故。

兵起。

開元占經

案文獻通考。壁陣十二星在羽林北。橫列營室之南。羽林之垣壘也。星眾而明。則安。兵革起。則又值羽林軍。大象列星圖曰。羽林四十五星。

希而動。則又值羽林軍。大象列星圖曰。羽林四十五星。

三三而聚。在壘壁南。主天軍。

太平御覽

又值鈇鉞。邽萌曰。星

欲不明。明若動。皆爲鉄鑽用。

開元占經

莊存與云初林天軍壘壁陣鉄鉞之屬

以設守衛。示武威。需曰。致寇至。致人不致於人也。

三居乾坎之交。故致寇至。

馬庚

吉曰。需九三。辰在辰。上值角星。右角爲天田。故曰需于泥。左角爲將主兵。故有寇象。

六四需于血出自穴

六四坎體。坎爲血卦。

說卦

陽爲陰凝。故需于血。六四辰在

丑。得艮氣。艮爲穴居。

虞翻繫辭注

荀九家曰。雲從地出。上升

於天。自地出者。莫不由穴也。

集解

九五需于酒食

五互離。辰在午。上值柳。史記天官書。柳主尙食。和滋味。

柳附星有酒旗。文獻通考。酒旗。酒官之旗也。主宴享飲食。故需于酒食。需者。五需二也。集解引荀爽曰。五互坎。坎水在火上。酒食之象。

上六入于穴。有不速之客三人來。

穴。謂四。荀爽曰。需道已終。雲當下入穴也。穴字解。見六四。雲上

升極。則降而爲雨。故詩曰。朝躋於西。崇朝其雨。則還入

地。故曰入于穴。雲雨入地。則下三陽動而自至者也。集解

案。易例。內爲主。外爲客。內爲來。外爲往。需乾在內卦。稱

客。稱來者。惠棟云。以乾往居上。故稱客。客對主言。坎爲

主人。據主召客。故稱來。上辰在巳。上值翼。天官書曰。翼

主遠客。隋志翼主夷狄遠客負海之賓。北音讀速爲需。需須也。不速之客。卽不需之客。乾三陽。故稱三人訟。

初六不永所事小有言

初六辰在未。得坤氣。坤爲永。

虞翻益六二注

爲事。

虞翻坤六三注

訟不

可長。故不永所事。初變兌爲口舌。

說卦

辰在酉。上值昴附

星卷舌。晉書天文志卷舌六星在昴北。主口語。以知佞讒也。故小有言。

九二不克訟歸而逋其邑人三百戶无眚

鄭云小國之下大夫采地方一成其定稅三百家故三

百戶也。

禮雜記疏

不易之田歲種之一易之田休一歲乃種。

再易之田休二歲乃種言至薄也。

易疏

案鄭注困二云二

據初辰在未未爲土此二爲大夫有地之象張惠言云

訟二與困二同象邑人謂初爲二臣也唯一爻故一成

以人言故三百戶見其薄也。

九二坎爻辰在子上值虛危開元占經引郊萌曰虛

主邑居又引巫咸曰危爲百姓市又爲架構故有邑人三百戶象

六三食舊德貞厲終吉或從王事无成

許慎五經異義曰爻位三爲三公曰食舊德食父故祿

也。詩文王疏案三辰在亥上值紫微垣句陳石氏讚曰句陳

大星配輔臣。開元占經鄭司農曰句陳主三公三得乾氣乾

為舊。虞翻并初六注為德。姚信繫解注三承上三乾故食舊德上

辰在戌得乾氣乾為王。虞翻坤六三注三從上故或從王事三

兌爻辰在酉上值昴張衡云昴明則獄訟平。文獻通考訟不

可成故无成。

九四不克訟復即命渝安貞吉

命謂五也。九五辰在申上值參。玉厯曰參中央大星主

命。開元占經案二以惡德受服五為聽訟之主奪二與四故

不克訟。復卽聽訟者之命。渝鄭云然也。

釋文

九五訟元吉

九五辰在申。上值參。春秋元命包曰。參主權衡。所以平理也。

開元占經

五居尊位。爲訟之主。聽訟得其中正。故元吉。

上九或錫鞶帶。終朝三褫之。

褫。鄭作拖。釋文說文。褫。奪衣也。又云。鞶帶。佩鞶之帶。

讀若池。褫。拖音相近。

又云。鞶帶。佩鞶之帶。

巾車疏。案士昏禮。庶母及門內施鞶。注云。鞶。鞶囊也。男鞶革。女鞶絲。此以盛帨巾之屬。與馬融以鞶帶爲大帶衣者異。案上九辰在戌。得乾氣。侯果曰。乾爲衣。爲言。故以

訟受服。集解馬融曰。旦至食時爲終朝。釋文乾爲晝。上居卦

終故爲終朝。乾稱三。故三拖。九經古義云：淮南人間訓注：拖，奪也。拖與穢字異而義同。晁以道讀爲拖紳之拖。楊慎以爲終朝三拖之以誇於人，真強解事也。

師
初六師出以律否臧凶

二體坎。又坎爻辰在子，屬水。釋言曰：坎律銓也。樊光注曰：坎卦水也。水性平，律亦平。左傳宣十二年疏故集解引荀九

家云：坎爲法律。初爲出師之始，以律謂從二也。初不從二而變兌，折坎律壞，故凶。左氏宣十五年傳曰：執事順成爲臧，逆爲否。黎世序云：古者太師執同律，以聽軍聲。師之強弱，律應之，故謂軍之紀法爲律。

坎爲法律。又坎爲正北之位。袁莖曰：初辰在未，上值東黃鍾之宮，起於冬至，亦律也。井，黃帝占曰：東井主水，用法清平如水。開元占經故云師出以律。

九二在師中，吉，无咎，王三錫命。

釋文云：錫，鄭作賜。賜與錫同義。師中，卽春秋傳所謂將中軍者。師克在和，二以中德而行和道，故吉无咎。二辰在寅，上值斗。荆州星占云：南斗主爵祿。北堂書鈔故有錫命。錫命以三爲度。周禮一命受職，再命受服，三命受位。王荀爽云：謂二也。集解二至五歷三爻，故三錫。

六三師或輿尸凶

三互坤爲大輿。

說卦

又爲尸。

虞翻注

集解引宋衷云：弟子謂六三也。失位乘陽處非

所據。眾不聽從。師人分北。或敗績死亡。輿尸而還。故曰：弟子輿尸。謂使不當其職也。坤辰在未。上值輿鬼。邽萌曰：弧射狼。誤中參左肩。輿尸於鬼。

開元占經故

云師或輿尸凶。

案六五亦互坤。故云輿尸與三同。

汪喜荀曰：釋詁云。

尸主也。師之進退以輿爲主。三辰在亥。上值危附星車

府。文獻通考：車府，主官車之府。故云輿尸。

案六五弟子輿尸。即指六

三也。解全。

六四師左次

左氏莊三年傳曰。凡師。一宿爲舍。再宿爲信。過信爲次。師左次者。惠棟云。管子曰。春生於左。秋殺於右。董子曰。木居左。金居右。二體震。震爲春。爲木。故爲左也。

六五田有禽。利執言。无咎。長子帥師。弟子輿尸。貞

凶。

六五體坤爲田。

虞翻繫辭注

五又離爻。離爲飛鳥。

荀爽明夷初九注

辰在午。上值鶉火之次。

分野略例。自柳七度至張十七度。於辰在午。爲鶉火南方爲火。

言五月之時。陽氣始隆。火星昏中。在七星朱鳥之處。故曰鶉火。

柳星張屬之。

文獻通考引石氏星

經。南方朱鳥七宿。并首鬼目。柳喙。星頸張。翼。翻。軫。尾。

故曰有禽。

五辰在卯。得

震氣震爲言。

注虞翻

五失位。二之五得位。互艮爲手。

卦說故

利執言。

管城碩記云此當爲田獵教戰而言也。周禮大

遂以苗田。仲秋教治兵。遂以獮田。仲冬教大閱。遂以狩

田。田則春夏獻禽。秋冬致禽之事。故曰有禽。田則有表

貉。警民讀書契載事。號戒眾庶。

莊氏曰長子謂九二

皆類有言以宣之。故曰利執言。

史徵周易

案二

德長於人也。弟子謂六三德劣於物也。

史徵周易辰在寅。上值斗。甘氏曰。南斗主兵。占開元經。故云長子帥師。

公羊傳將尊師

眾稱某帥師。輿尸解見六三

上六大君有命開國承家

命。鄭云。謂所受天命也。

文選

上六辰在巳。得巽氣。巽爲

命令。

陸績巽象傳注

已又上值紫微垣北斗。春秋元命包曰。斗

爲帝令。

開元占經

故云大君有命。荀九家云。開國封諸侯。承

家立大夫也。

集解

比

初六有孚比之无咎。有孚盈缶。終來有它吉。

初孚五比五也。案五體坎。又坎爻辰在子。屬水。坎象云。

水行險而不失其信。故有孚。集解引荀爽曰。初在應外。

四表絕域殊俗。皆來親比。故无咎也。盈孚者。鄭云。爻辰在未。上值東井。井

以喻殊俗。聖王之信。光被

四表。絕域殊俗。皆來親比。故无咎也。

盈孚者。鄭云。爻辰在未。上值東井。井

之水。人所汲用。缶。汲器。

詩宛邱疏。易漢學注云。春秋元命包曰。東井八星主水衡。

案春秋襄九年宋災。左傳云。具綆缶。備水器。則缶者汲水之器也。劉成忠曰。初六辰在未。未爲土。初體坤。又

得坤氣。坤器爲缶。虞翻注。惠棟云。坤爲土。爲器。缶者土器。故曰坤氣爲缶也。比上

體坎爲信。易乾鑿度故爲孚。坎水流坤。故盈缶。終來及初。非

應。故曰宅。漢上易傳引子夏傳云。非應稱宅。

六二比之自內貞吉

六二離爻。位近午。上值紫微垣四輔。春秋緯曰。輔星明近。則輔臣親厚。開元占經文獻通考。四輔。輔佐北帝而出度授政。二爲內主。而比附於五。則內皆比之。王昶云。六

二辰在酉。上值紫微少衛。二內比五。猶少衛之列紫宮。
故曰比之自內。春融堂集

六三比之匪人

六三辰在亥。得乾氣。乾爲人。虞翻履象注三比坤滅乾。故匪

人。匪馬融云非也。釋文

六四外比之貞吉

四辰在丑。上值南斗。甘氏曰。南斗星大明。將相同心。元
占經。故四外比於五。正應初。故貞吉。

九五 王用三驅失前禽

初六巽爻辰在巳。上值軫爲鶉火之次。分野略例自張

一度於辰在巳爲鶉尾南方朱初在二前故云前禽。沈

雀七宿以軫爲尾故曰鶉尾

曰上爻在五前上六辰在巳亦爲鶉尾之次前禽上六也九五辰在申上值畢史記

天官書畢曰罕車爲邊兵主弋獵三驅鄭作毆。九經古

文驅馬馳也古文作毆從支漢書以毆爲驅康成

傳費氏易費直本皆古字號古文易當從之是正云驅

禽而射之三則已發軍禮失前禽者謂禽在前來者不

逆而射旁去又不射惟其走者順而射之不中亦已是

皆所失用兵之法亦如之降者不禁背敵不殺以仁恩

養威之道。秋官士師疏左氏桓四年疏

上六比之无首

上九辰在戌。得乾氣。乾爲首。說卦九變而六。故无首。

小畜

小畜亨。密雲不雨。自我西郊。

小畜互兌。兌正秋。屬西方。故爲西郊。辰在酉。上值畢。詩漸漸之石云。月離于畢。俾滂沱矣。傳畢。躅也。月離陰星。則雨。故有雨象。高誘呂氏春秋注云。雲西行則雨。今自我西郊而不雨者。陰劣不能固陽。畜道未成故也。我謂四。小畜下體乾。乾鑿度云。乾位西北。故稱郊。乾辰在

亥。上值壁附星雲雨四星。

開元占經引甘氏曰。雲雨興和。休祈茂孽。

小畜密

雲不雨者。雲山澤氣也。兌爲澤。在乾上。未成坎。故不雨。

初九復自道

復。反也。

雜卦

初九震爻。震爲道。

虞翻履二注

位近卯。上值房。史

記索隱。引尚書運期授曰。所謂房四表之道。宋均注云。四星間有三道。日月五星所從出入也。故云復自道。

九二牽復

九二辰在寅。得艮氣。艮手持。

九家繫辭注

故云牽。二與初相

牽而復。故云牽復。

九三輿說輻夫妻反目

鄭注輓伏菟也。

釋文

易疏釋之謂輿下縛木輿軸相連鉤

心之木是也。

毛西河云吳澄謂輻卽輓。今人多非之謂輓伏菟也。在軸之上承輿者。車不行則脫

之矣。輻輪中直木。老子所謂三十輻共一轂。必輪破轆裂。然後可脫。與大畜脫輓不同。然康成卽以輻爲輓。或

古文無定字。或輻輓字古相通。

王昶云九三辰在辰。上值軫。巫咸云。

軫天車三矢中。故曰輿脫輻。

春融堂集案

三又上值氏附星

天輻。文獻通考。天輻兩黃星。主鸞駕。互兌爲毀折。

說卦亦

說輻象也。

小畜下體乾辰在戌。上值奎附星。王良開元占經引河圖曰。王良天子奉車。故九三象之。

九三得巽氣。巽爲多白眼。

說卦案

反目爲眦。說文曰。眦。

多白眼也。三陽四陰，異體相比，以妻乘夫，故至於反目。
六四有孚，血去惕出，无咎。

有孚，謂孚五也。小畜通豫，豫四體坎，辰在子。張惠言云：坎正十一月，陰陽會於壬，牝坤生復，故說卦云：坎爲血。卦惠棟虞氏逸象注：坎爲加憂，故爲惕。豫變小畜，坎象不見，故血去惕出，得位承五，故无咎。

九五 富以其鄰

富以其鄰，謂富及臣鄰也。姚配中云：爵以馭貴，祿以馭富。加地進律，皆所以富之。

案五坎爻，辰在子，上值虛附星司祿。文獻通考云：司祿

主爵祿。又值危附星天鉤。宋均曰：天鉤九星主珍異。令
賜諸侯，亦所以顯異之也。開元占經引禮緯合文嘉注 故曰富以其

鄰。

上九既雨既處尚德載婦貞厲月幾望

二變三體坎坎水零爲雨。

虞翻注

上九辰在亥上。上

體巽爲處。

虞翻注

上畜道已成。故既雨既處。

上變爲坎。

辰在子。上值女附星車府。重坎積載在車上。故尚德載。

袁莖云：尚上也。上積德則民載之。案上九辰在戌，得乾氣，姚信繫辭注：乾爲德，馬融小畜九三注：乾爲車。故云

尚德

載。婦謂四也。四辰在丑。上值女。宋中興天文志：石氏

云女一名嫠女。左傳昭公十年有星出於嫠女。杜預注。

嫠女爲已嫁之女。

文獻通考

故稱婦。四得位故言貞。坎成巽。

壞故貞厲。春秋元命包曰太陰水精爲月。

北堂書鈔

坎爲水。

說卦故爲月。上九辰在戌得乾氣。十五日乾象盈甲。

案卦內乾

外巽。十五日乾象盈甲。十六日巽象退辛。此納甲法也。

與爻辰無涉。然上得乾氣。十五日乾象盈甲。爻固有此氣也。故借納甲。孟喜以爲十六日也。

晁氏易拾遺

月大則十

六日爲望。若月小則十五日爲望。漢書李尋傳。月者眾陰之長。消息見伏。百里爲品。十里立表。萬里遠紀。死后

大臣諸侯之象也。朔晦正終始。弦爲繩。望成。德。春夏南。秋冬北。

履

初九素履

乾鑿度曰大素者質之始。鄭注尚書大傳曰素猶始也。初九坎爻辰在子。釋名子孳也。陽氣始萌孳生於下也。畢沅疏證云白虎通云子者孳也。史記律書云子者滋也。滋者言萬物滋於下也。滋與孳通。漢書律術志曰孳萌於子。初爲履始。故曰素履。

九二履道坦坦幽人貞吉

二失位變成震辰在卯。上值房。天鏡經二房南間爲上道。中間爲中道。北間爲下道。故云履道。蒼頡篇云坦著也。周易述曰幽人謂幽繫之人。尸子曰文王幽於

羨里。

太平御覽

荀子曰：公侯失禮則幽。

王霸篇

俗謂高士爲幽

人，非也。案九二坎爻，辰在子。上值危，附星天壘城。巫咸

曰：天壘十三星，如貫索狀。

開元占經

故象幽人。

六三 履虎尾，咥人，凶。武人爲子大君。

六三體兌，又兌爻。辰在酉，上值大梁之次，胃昴畢屬之。

邢昺爾雅疏：四方皆有七宿，各成一形。東方成龍形，西方成虎形，南方成鳥形，北方成龜形。黎世序云：震居

東方，爲蒼龍；兌居西方，爲白虎。故馬融云：兌爲虎。頤卦

兌乘秋殺之氣，故易以兌爲虎。故文

兌又爲口。說卦三爲虎口，故咥人凶。王昶云：六三辰在亥，上值虛，哭泣四星，故

咥人凶。

三辰在亥，得乾氣，乾爲武人。

虞翻注

上值壁，附星

羽林軍。郊萌曰羽林。一名材官。主翼主。黃帝占曰羽林星三三而居。行列相隨。守衛之官也。其星實而眾明。王者吉。並開元占經故曰爲于大君爲助也。國策魏策臣請問昶云亥上值司危二星。甘氏曰司危驕逸亡下。故曰武人爲于大君。案王說於義似未晰。故更之。

九四履虎尾愬愬終吉

三兌爲虎。見上辰在酉屬西方。石氏曰西宮白帝其精白

虎爲七宿。文獻通考四乾體與兌絕。四履兌初敬慎愬愬。子

夏傳云愬愬恐懼之貌也。口訣義王昶云九四辰在午。

上值柳鬼與西方白虎七宿近。故曰履虎尾。春融堂集

案王昶

說以五辰在申。上值畢。皆參五爲虎而四履之也。

九五夬履

九五辰在申。上值紫微垣。天皇大帝。開元占經引皇帝占曰。天皇大帝名

耀魄寶。主天子象。下出符命。張惠言云。夬。剛決柔也。五履帝位。正乾

決坤之義。故曰夬履。

上九視履考祥其旋元吉

視。謂視三也。上九辰在亥。上值奎。晉書天文志曰。奎西

南大星。所謂天豕目也。故有視象祥。鄭本作詳。丙子學易編云。

考祥。古本作考。詳。晁氏曰。荀作詳。審也。文意尤順。案荀義與鄭同。云履道之終。考正詳

備。易氏案上鑿三。故考詳。旋。廣雅釋詁。還也。三上易位。故其旋元吉。

泰

初九拔茅茹以其彙征吉

初九震爻。太元云。震爲茅。茹。茅根也。震位近卯。上值氏。

漢書天文志曰。氏爲天根。

案爾雅釋天。壽星角亢也。天根。氏也。注。角亢下繫於氏。若

木之有根。故云茅茹。三陽並進。故拔茅茹以其彙。鄭云彙類

也。茹牽引也。茅喻君有潔白之德。臣下引其類而仕之。

漢書劉向傳注

九二包荒用馮河不遐遺朋亡得尙于中行

鄭注荒讀爲康虛也。

釋文九經古義云穀梁傳云四穀不升謂之康康是虛荒之名。

翟元從之云二五相應五虛无陽二上包之。

集解馮河錢

大昕云寅上值天漢雲漢天河也。

潛研堂文集

秦爾雅折木謂之津箕斗

之間漢津也郭注箕龍尾斗南斗天漢之津梁趙彥

修云二坎爻辰在子。上值潢。史記索隱引元命包曰潢

主河渠而九家說卦云坎爲河又與爻辰適合五馮河

居坎外與二福河馮河而往以就於五故遠不遺

釋訓曰徒涉遐釋詁曰遠也遺谷風棄予如遺毛傳亡

也二得良氣爲友。

虞翻兌象注

故曰朋二升五降故朋亡既

九三 于食有福

惠棟云。食讀如食舊德之食。案九三艮爻辰在丑。上值紫微垣天廚。晉志天廚主盛饌。鄭樵通志曰。天廚天子百官之廚也。丑又上值斗。荆州星占曰。南斗主爵祿。北堂書鈔故云于食有福。

六四 翩翩不富以其鄰

六四辰在丑。上值斗。荆州星占曰。南斗主爵祿。北堂書鈔富

以其鄰。謂爵祿及臣鄰也。四陰虛无陽。故不富。王昶云石氏曰

斗將相爵祿之位。巫咸曰。南斗天機大明將相同心。故曰不富以其鄰。案王昶說於不富意未合。故以易本象

之補

六五帝乙歸妹以祉元吉

鄭云。五爻辰在卯。春爲陽中。萬物以生。生育者。嫁娶之

貴。仲春之月。嫁娶男女之禮。福祿大吉。周禮天官媒氏

通典嘉禮嫁娶時月議引張融云。易泰卦六五帝乙歸

妹。以祉元吉。舊說六五辰在卯。春爲陽中。萬物生育。嫁

娶大吉也。卽鄭此注。經言拾遺云。易緯曰。易之帝乙

爲湯。又京房易傳載湯歸妹之辭。舊皆以帝乙爲湯。而

書多士又云。自成湯至于帝乙。罔不明德恤祀。兩說先

儒未知孰是。據左傳哀公九年。晉趙鞅卜救鄭陽虎以

周易筮之。遇泰之需。曰。微子啓。帝乙之元子也。朱鄭甥

舅也。祉祿也。是帝乙之元子。歸妹而有吉祿。我安得吉

焉。乃止。則帝乙爲紂父無疑矣。

上六城復于隍勿用師自邑告命

上六辰在巳。上值少微垣長垣。巫咸曰：長垣四星。城邑

相包。開元占經故有城象。泰反成否。上反於下。故城復于隍。

鄭云：隍，壑也。詩韓奕疏易疏引子夏傳云：隍，城下池也。又說文：隍，戒池。有水曰池。無水曰隍。

巳上值太微垣虎賁。巫咸曰：虎賁，騎士主旄頭。開元占經

案廣雅釋天：昂謂之旄頭。疏證云：天官書云：昂曰髦頭。漢書天文志：髦作旄。晉書天文志：昂爲旄頭。昂畢間

爲天街。天子出旄頭罕畢以前驅。此其義也。用師象也。三陰乘陽。故戒以勿

用師。人主所居謂之邑。日知錄云：詩曰：商邑翼翼，四方之極。書曰：惟尹躬先見于

西邑夏。曰：惟臣附于大邑周。曰：作新大邑于東國洛。曰：肆子敢求爾于天邑商。曰：虎通曰：夏曰夏邑，商曰商邑。

周曰京師是也。案已上值北斗。元命包曰斗爲人君之
居亦取長垣象。象而號令之主也。開元占經上六又得巽氣巽爲命令。陸績
注。故自邑告命。

否

初六拔茅茹以其彙

初六辰在未。上值柳。史記天官書曰柳爲鳥注。主草木。
索隱曰案漢書天文志注作喙。爾雅云鳥喙謂之柳。孫
炎云喙朱鳥之口。柳其星聚也。以注爲柳星。故主草木
也。故有茅象。三拔茅而及茹。茹謂初。以其彙。謂初與二

三同類承五。集解引荀九家云彙者類也。合體
同包謂三爻同類相連欲在下也。

六二包承

朱升易注以承作喬牛牲也。謂苞苴饋遺之事。周禮天官序官

庖人注。裹案六二離爻位近午。上值柳。荊州星占。柳爲肉日苞苴。

天廚。北堂書鈔石氏曰。柳主尙食和滋味。開元占經故云包承。二

辰在酉。上值昴畢。昴之言雷。莊存與云。天上地。下曰否。雷所以閉萬物也。日月之所入。天地之所比也。閉則亂。閉其所以亂。則治。陰不侵陽。臣不干君。子不違父。婦不逆夫。小人不亢。君子四夷不偏中國。故曰包承。小人吉。順也。昴畢之間爲天街。禁防設而聲教未嘗不通。來勿拒。去勿追。大人否。閉其門也。制御之常道得。則亨矣。

六三包羞

朱升易注以羞爲饋羞。謂腥載膾炙醢醬之屬。非食品。

之正較番抑末矣。案六三兌爻。上值胃。晉志胃二星。注

作三。天之廚藏。故云包羞。仲氏易云左傳陳厲公生敬

百奉之以玉帛諸語。以卦中互艮互巽。艮爲門庭。巽爲

果蓏。乾爲金玉。坤爲布帛。俱有庭實之象。與朱氏苞苴

餽享諸說甚合。

九四有命无咎疇離祉。

九五互巽爲命令。陸績巽象傳注辰在巳。上值紫微垣北斗。春

秋元命包曰。斗爲帝令。開元占經四授五命。以據三陰。故无

咎。疇。鄭本作鬻字。釋文張惠言周易鄭氏注云孫

字也。鄭氏於易何獨取此一古字。以別於眾字。考古訓

誰也之疇字。作鬻與田疇字不同。疑鄭氏經本作鬻而

訓爲誰。陸氏不察，以爲古疇字也。爾雅：疇，孰。祉，福也。集解
誰也。郭璞注亦引此句爲證。蓋本鄭義也。九家
注：否上體乾爲福。虞翻繫九四辰在午，得離氣。離者

麗也。

序卦故云疇離祉。

九五 其亡其亡繫于苞桑

九五互巽爲桑。

虞翻无妄六二注

位近辰。上值角。石氏曰：角春

夏爲木。

開元占經

故有桑象。鄭云：苞，植也。否世之人不知聖

人有命。咸云：其將亡矣。其將亡矣。而聖人乃自繫于植

桑不亡也。

文選曹元首六代論注

猶紂囚文王於羑里之獄。四臣

獻珍異之物。而終免於難。繫于苞桑之謂。

集解

上九傾否先否後喜

否終反泰。故傾卦體下爲先。上爲後。否成於三。故先否。下反於初。成益體震。於時爲春。春秋繁露曰。春蠢也。蠢蠢然喜樂之貌。故後喜。

同人。

初九同人于門

錢大昕曰。初九辰在子。上值危。危爲蓋屋。

案史記天官書云。危爲蓋

屋。索隱曰。朱均云。危上一星高。旁兩星隋下。似蓋屋也。正義曰。蓋屋二星在危南。主天子所居宮室之官也。

故有門戶之象。

潛研堂文集

六二同人于宗

鄭云天子諸侯后夫人無子不出

儀禮士昏禮疏

張

為木離為火火者木之子而焚木故象無子宗尊也后夫人無子不出尊之如故

案白虎通宗

廟篇曰宗者尊也二互巽辰在巳上值張附星天廟

開元

占經引甘氏曰天廟祭祀示民不忘

后夫人無子不出未與廟絕故云同

人于宗

九三伏戎于莽升其高陵三歲不興

三艮爻位近丑上值斗甘氏曰南斗主兵

開元占經

故有戎

象三得巽氣巽為伏

虞翻注

又為草莽

虞翻困上六注

三辰在辰

上值氏。史記天官書氏爲天根。故云伏戎于莽。莽鄭云。

叢木也。

釋文

三艮爻。艮爲山陵。

虞翻繫下注

三得巽氣。巽爲

股。又爲高。

俱說卦

故云升其高陵。崔憬曰。一爻爲一歲。自

三至五。頻遇剛敵。故三歲不興。

集解

九四乘其墉弗克攻

墉。詩皇矣以伐崇墉。傳。城也。二至四。互巽爲庸。

虞翻注辰

在巳。上值少微垣長垣。石氏曰。長垣四星。城邑相包。

開元

占。四在三上。故曰乘。四辰在午。上值七星。列宿占曰。七

星主兵。

開元占經

四得離氣。離爲甲冑。爲戈兵。

說卦

故四欲攻

二四失位。故弗克攻。

九五同人先號咷而後笑。大師克相遇。

五與二應。二互巽爲號咷。

虞翻注

故先號咷。同人師旁通。

師二體震。於時爲春。春秋繁露曰。春蠢也。蠢蠢然喜樂

之貌。故後笑。五辰在申。上值參菁。王昶引却萌云。參伐

星大則兵起。又西官候曰。觜觶主斬刈。石氏曰。觜觶者。

三軍之候也。

開元占經

故云大師克之者。何殺之也。

公羊傳

二

至五體姤。遇也。

雜卦

故云大師克相遇。

上九同人于郊。

上九辰在戌得乾氣乾鑿度云乾位西北故爲郊。

大有

初九无交害匪咎艱則无咎

害謂四也。四辰在午得離氣離爲惡人。虞翻注故无交害。

无應宜咎以惡人宜遠故匪咎。四變應初體坎爲艱。虞翻

大壯上六注艱則无咎。

九二大車以載

二坎爻坎爲車。虞翻小畜上九注位近子上值危附星車府。師見

六故有車象。易例陽大陰小九二陽爻故稱大車。二虛

任受九剛任行。故大車以載。大有下體乾。辰在戌。上值奎。開元占經引荊州占曰。
王良或占車。
騎亦車象也。

九三公用亨于天子。小人弗克。

天子謂五也。九三辰在辰。上值紫微垣。三公。晉志曰。杓南三星及斗魁一星。西三星。皆曰三公。主宣德化和。七政調陰陽之官也。亨。京房曰。獻也。釋文傳所謂天子降心以逆公者。是也。小人謂四。不克當天子之亨。故曰小人弗克。

九四匪其彭。无咎。

姚信云彭旁也。

釋文

案易說云古旁彭通詩云視祭

于祊祊謂門旁故祊从示从旁省說文

作繫然則祊或从彭。惠士奇云初變四四不正疑有害

然四匪其旁惟其正謂旁行而不流故不失其正也。案

四震爻辰在卯。上值房。石氏曰房三光之正道。人天之

定位。開元占經故云匪其旁无咎。

六五厥孚交如威如吉

王昶云六五辰在卯。卯與九二爻辰比。故大有五曰厥

孚交如。上值角附星折威。案開元占經引石氏曰折故

又曰威如。春融堂集

上九自天祐之吉無不利

王昶云。上九辰在戌。上值中宮五帝座。張衡曰。五帝同明而光。則天下歸心。故大有上九曰。自天祐之。春融堂集

謙

初六 用涉大川

三體坎爲大川。

京房大畜彖傳注

辰在子。上值天潢。史記索隱

引元命包曰。潢。主河渠。所以度天神。通八方。宋均注云。天潢。天津也。津。湊也。主計度也。初欲往四。故用涉大川。

六一鳴謙貞吉

六二辰在酉。得兌氣。兌爲口。說卦故鳴謙得正處中。故貞吉。

九三勞謙君子有終

九三在坎中。坎勞卦也。

說卦集解引荀曰。體坎爲勞。終下二陰。君子有終。故吉。故

勞謙。九三又艮爻。說卦艮東北之卦也。萬物之所成終而所成始也。艮於辰在丑。爲星紀分野。略例云。星紀者。言其統紀萬物。十二月之位。萬物之所終始。三上值之。故有終。

六四 撝謙

荀爽云。搗猶舉也。

集解

鄭讀爲宣。

文釋

案左氏宣十二年傳。

寵光之不宣。注宣揚也。揚亦舉也。六四辰在丑。得艮氣。

艮爲手。

說卦

眾欲以手搗三。使上居五。故曰搗謙。

六五不富。以其鄰利用侵伐。

六五辰在卯。上值房石氏曰。房主財寶。

開元占經

故有富象。

荀爽曰。自四以上乘陽。乘陽失實。故皆不富。五居中有

體。故總言之。

集解

莊二十九年左氏傳。凡師有鐘鼓曰

伐。無曰侵。六五離爻。辰在午。上值七星。列宿占曰。七星

主兵。

開元占經

故說卦云。離爲甲冑。爲戈兵。五虛无君。三來

侵伐。故利用侵伐。

上六 利用行師征邑國

王昶曰。上六辰在巳。上值內宮天權。一名伐星。石氏曰。

主天理。伐無道。故謙上六曰。利用行師。征邑國。春融案。

上六又兌爻。位近酉。上值昴畢。西官候曰。昴主兵。開元占經

史記天官書曰。畢曰罕車。爲邊兵。又曰。昴畢間爲天街。

其陰。陰國。陽。陽國。正義曰。天街三星。在昴畢間。主國界。

也。街南爲華夏之國。街北爲夷狄之國。五之正。已得從。

征。故利用行師。征邑國。

鄭氏爻辰補卷二

丹徒戴棠著

豫

雷出地奮豫先王以作樂崇德殷薦之上帝以配

祖考

張惠言曰。豫震上坤下。帝出乎震。卽上帝也。萬物本乎天。人本乎祖。乾信爲神。坤誥爲鬼。豫坤配震。故祖考配天也。震上值房心。爲天帝之明堂。九四爻辰在午。太微五帝之廷。四郊明堂象也。坤爲土。互艮爲山。帝居其上。

園工郊兆象也。凡配帝之祭有三。祭法祭昊天于圓工。日禘。祭上帝于南郊曰郊。祭五帝五神于明堂曰祖宗。禘。饗。郊。稷。祖。文王。宗。武王。周官大司樂三禘之樂。首言圓工六變。則配祖考中。當有園工。注引孝經成文。故略之耳。作樂以象功。配帝亦以功。故取諸豫。周易鄭荀義

初六鳴豫凶

初六巽交位近已。上值軫。甘氏曰。軫主樂府歌謔之事。文獻通考初不勝其豫。而以自鳴。故凶。

六二介于石

二互艮爲石。

卦介

釋文云。古文作𠩺。鄭云。謂磨𠩺也。

臣

融本作𠩺。云觸小石。

六二辰在酉。上值昴附星礪石。

元

贊鄭云磨𠩺卽馬義。

占經引甘氏讚曰礪石砥刃百工淬治。

宋史天文志。礪石四星在五車星

西。主百工磨礪鋒刃。故云介于石。

六三盱豫

六三兌爻。辰在酉。上值昴。巫咸曰。昴爲天耳目。

開元占經

故

有盱象盱。鄭云夸也。

釋文。盱釋文引子夏傳作紆。張惠言云。紆緩亦夸大之意。或卽鄭

義。說文云。張目也。案張卽夸意。在陰。故豫。

九四 朋盍簪

豫小畜旁通。小畜四體兌爲朋。

虞翻注

盍釋詁云。合也。簪。

鄭云。速也。

釋文

案于夏張揖皆訓簪爲疾。卽鄭速也之意。

言朋友相合之速。

也。九四辰在午。上值少微。天官星占云。少微一名處士。明而黃澤。卽賢士舉用。

北堂書鈔

故云朋盍簪。

六五貞疾。恆不死。

六五辰在卯。上值氏。史記天官書曰。氏主疫。索隱云。宋均曰。疫。疾也。三月榆莢落。故主疾疫也。五得震氣。震爲

反生。

虞翻注

故不死。

上六冥豫。成有渝。

鄭注冥讀爲鳴。

釋文

案上六兌爻兌爲口。

卦說

故鳴。上辰在

巳。上值軫。甘氏曰軫主樂府歌謔之事。

文獻通考

上不勝其

豫而以自鳴。非渝不可。故成有渝。

隨

大亨貞无咎而天下隨時

隨上互巽。辰在辰。上值亢。附星大角。莊存與云。大角爲

天棟。正經紀。左右攝提。主建時節。

史記天官書。大角者天王帝廷。其兩旁各

有三星。鼎足句之曰攝提。攝提者。直斗杓所指。以建時節。故曰攝提格。

隨時之所以爲大

也。味經齊

道書

初九官有渝貞吉出門交有功

官蜀才作館

九經古義云穆天子傳云官人陳牲聘禮云管人布幕于寢門外鄭注管猶館也古

文管

案初九辰在子上值危。郊萌曰危爲舍屋之事爲

蓋屋將有蓋屋之事則占於危

開元占經

故有館象荀九家

云渝變也

徐文靖云孫奭孟子疏曰心君主官者也

亦謂之官者以其主思故亦爲官矣荀子云心君也房

中虛而治五官者也案初九震爻辰在卯上值心星故

稱官說文卯象開門之形故象出門鄭注震爲大塗又

爲日門當春分陰陽之交也是臣出君門與四方賢人

交有成功也。集解

六二係小子失丈夫

小子謂五兌爲少。虞翻注故曰小子。丈夫謂四。體大過九

二爲老夫。大過二互乾辰在戌。父老之象。鄭康成上

得乾氣。父老之象。二應在巽爲繩。說卦故稱係二承四隔三。故失

丈夫。案大戴禮記本命丈者長也。夫者扶也。言長萬物

者。膚也。言其智膚敏。宏教也。故曰丈夫。

六三係丈夫失小子

四體大過九二爲老夫。大過二互乾辰在戌。父老之象。

三與四爲巽。故稱係初震長男爲小子。係四失初。故失小子。

九四 有孚在道以明何咎

有孚謂五也。案九四震爻辰在卯。說卦震爲大塗。鄭注。

國中三道曰塗。震上值房心塗而大者。取房有三塗焉。

朱漢上易 許見 復初九履九二 故云有孚在道三之正體離爲明 陸績

暎象 傳注 四變應初。故曰以明何咎。

九五孚于嘉吉

嘉謂嘉禮也。應棟云周禮大宗伯以嘉禮親萬民以昏冠之禮親成男女隨之時義皆係於陽合

於嘉禮。案九五坎爻辰在子。上值女。史記正義曰。須女主布帛。裁製嫁娶。占文二年公羊傳云。娶者大吉也。故云孚于嘉吉。

上六 王用亨于西山

隨。自否來。否五體乾爲王。亨。陸績云。祭也。釋文上六辰在

巳。上值張。隋志云。張主宗廟。故有亨象。上六又兌爻兌

正秋。屬西方。四互艮爲山。說卦故云王用亨于西山。

蠱

終則有始

蠱下體巽辰在巳上值角軫。莊存與云角始也軫終也。終則有始。蠱與恆皆著之。以是爲天星二十有八舍之終始也。味經齋遺書

初六幹父之蠱有子考

初六辰在未上值井附星子。

見蒙六五注

父以有子而稱考。

故云有子考。曲禮曰生日父母死曰考妣是也。

九二幹母之蠱不可貞

蠱自泰來。泰以乾爲主。惟二承五。象母蠱。案六五離爻。辰在午。上值七星。附星軒轅。石氏曰。軒轅南端明者。女

主也母也。

開元占經

故云幹母之蠱失位故不可貞。

九三幹父之蠱小有悔无大咎。

九三辰在辰上值軫附星長沙石氏曰長沙星明王者

保慶子孫昌。

開元占經

故幹父之蠱三上敵應故小有悔三

得位故无大咎。

六四裕父之蠱

六四巽爻位近辰上值軫晉書天文志曰長沙一星在

軫之中明則子孫昌四陰體大過本末弱故裕。

晉罔字裕虞注

坤弱爲裕此爻注云裕不能爭也案弱故不能爭。

鄭氏爻辰補

卷二

六

六五幹父之蠱用譽

六五辰在卯。上值心。石氏曰。心中大星。天王位。前後小星。子屬。以開德發揚。開元占經故幹父之蠱。譽謂二也。二五失位。變而得正。故用譽。

上九不事王侯高尚其事

鄭云。蠱上九艮爻。艮爲山。辰在戌。得乾氣。父老之象。是臣之致事也。故不事王侯。是不得事君。君猶高尚其所爲之事。禮表記疏惠棟云。王制載三王養老之事云。八十者一子不從政。九十者其家不從政。是不事王侯之事也。小雅笙詩序云。南陔。孝子相戒以養也。白華。孝子之絜白也。是親老歸養。乃事之最高者。故臣

不得事君。君猶高。尚其所爲之事也。

臨

至于八月有凶

莊存與云。復无疾心也。臨有凶。口也。天譏卷舌。九州殊口。以言爲說者。天道常閉之矣。

味經齋遺書案臨下體兌辰在酉上值昴附

星天譏卷舌。故莊氏云然。

初九咸臨

咸象云。咸感也。初辰在子。得坎氣。坎爲心。

荀九家明初夷六四注初

與四應。以心相感。故曰咸臨。

九二咸臨

六五辰在卯。上值心。開元占經引石氏曰。心者宣氣也。二五相感以心。

故亦曰咸臨。案九二亦坎爻坎爲心。故二與初爻辭同。

六三甘臨

董子曰。甘者中央之味也。臨上體坤。三又互坤。辰在未。未爲土。土於五方屬中央。故甘。二升五臨。三故甘臨。

六四至臨

至說文。鳥飛從高下至地也。從一一。猶地也。象形。不上去而至下來也。案六四互坤。辰在未。上值井鬼柳。井鬼

爲鶉首之次。

分野略例自東井十六度至柳八度於辰在未爲鶉首南方七宿其形象鳥以井爲

冠以柳爲口鶉鳥也。

柳爲鶉火之次。

見師六五注爾雅曰柳鶉火也柳

首頭也故曰鶉首。

七星張南方之中宿也故曰火。

有鳥象鳥飛從高下至地爲至卦氣從

四至初亦爲至故曰至臨。

六五知臨大君之宜吉

六五辰在卯得震氣震爲帝。

虞翻履象注

故爲大君卯上值

房四星馬庚吉日房爲明堂天子布政之宮。

案太平御覽六引大

象列星圖曰房四星去氏十五度爲明堂布政之宮。

故曰知臨大君之宜吉。

上六敦臨

敦詩北門王事敦我傳云厚也。上六兌爻辰在酉。上值五車。石氏曰五車凡五星在畢昴北大陵東次東南星名曰司空鎮星也。開元經案鎮星主中央主土土厚載物故曰敦臨。

觀

初六童觀

童鄭云釋也。

釋文說文人部云僮未冠也是本字爲僮今經典僮童皆互易。

案初六

辰在未。上值井附星子孫。

見蒙六五注

故稱童惠棟云呂氏

春秋曰上尊下卑則不得以小觀上。初以小觀上故曰

童觀。

六二闕觀利女貞

觀下體坤爲戶。姚信乾文言注六二離爻離爲目。說卦以離目從

門窺。故曰闕。方言云闕視也。凡門竊視南楚謂之闕。離位近午。上值七星

附星軒轅。邠萌曰。軒轅女主之廷也。開元占經故闕觀利女

貞。

六三觀我生進退

荀九家曰。我謂五也。生者教化生也。集案九五坎爻辰

在子。上值紫微垣天柱。隋志云天柱建政教立圖法之

府也。常以朔望日垂禁令於天柱。以示百司。卽周禮所謂以正歲之日。示法象魏者也。三欲進觀於五。四旣在前而三故退。故曰觀我生進退。

六四觀國之光利用賓于王

六四辰在巳。上值翼。聖洽符曰翼者賓客也。開元占經九五

辰在申。上值畢。附星諸王。邠萌曰。諸王主朝會。又曰。諸

王。星明則羣下附從。開元占經以四觀五。故曰觀國之光。利

用賓于王。左傳陳敬仲初生筮之遇觀之否。周史以爲有山之材而照之以天光。於是乎居土上。故

曰觀國之光。庭實旅百。奉之以玉帛。天地之美具焉。故曰利用賓于王。杜元凱注云。四爲諸侯。變乾有國朝于

之象。艮爲門庭。乾爲金玉。坤爲布帛。諸侯朝王。陳黃帛之象。

九五觀我生

與六三觀我生解同。

上九觀其生

其指三。生謂教化生也。案三互艮。辰在丑。上值紫微垣。天柱。甘氏讚曰。天柱立政。朔望懸書。開元占經以上觀三。故

云觀其生。

案九五觀我生。上九觀其生。九家注散佚。以六三苟注推之。五上兩爻生字。皆當作教化

生解。

噉嗑

初九履校滅趾

趾釋名云止也。言一進一止也。案初九辰在子得坎氣。坎爲校。虞翻注干寶云履校貫械也。集解以械爲履足沒械下。故曰履校滅趾。

六二噬膚滅鼻

二互艮爲膚。又爲鼻。虞翻注釋文引馬融云柔脆肥美曰膚。二辰在酉得兌氣。兌爲口。說卦鼻在口上。噬膚過深。故云滅鼻。

六三噬腊肉遇毒

三辰在亥。論衡物勢亥其禽豕也。上值奎。史記天官書。

曰奎爲封豕。

正義奎一曰天豕亦曰封豕。

離日在上。豕肉受日之暎

爲腊。說文管乾肉也。從殘肉。日以晞之。

釋文引馬融云晞于陽而爆于

火曰腊。周語曰：厚味實腊肉。注云：腊，久也。味厚者爲毒久。

故噬腊肉遇毒。

噬，嗑下體。震辰在卯。上值氏。莊存與云氏爲宿宮。上有天乳。是知腊毒。案三居

震上。故噬腊肉遇毒。

九四噬乾肺得金矢

肺。鄭云：贄也。

釋文

其義未詳。或字之訛也。案馬融云：有骨

謂之肺。

釋文

九四辰在午。南方屬火。得離氣。離爲乾卦。故

云乾肺。離本乾所變。乾爲金。

說卦

離之陽畫亦爲金。離又

為兵矢。陸績注故噬乾肺得金矢。

六五噬乾肉得黃金

爻例陰稱肉。五陰離位。離火乾之。故云乾肉。離剛畫為金。離得坤中爻。坤為土。色黃。離辰在午。上值張。南宮候曰。張者為廚。黃帝占曰。張主帝之珠玉寶物。並開元占經故云噬乾肉得黃金。

上九何校滅耳

上九辰在戌。得乾氣。乾為首。說卦上為首。故五為耳。鄭云。離為槁木。坎為耳。木在耳上。何校滅耳之象也。集解臣從

君坐之刑。書康
詰疏

賁

初九賁其趾舍車而徒

趾鄭云足也。釋文初與四應四體震爲足。說卦故云賁其趾

三坎爲車。虞翻注辰在子上值危附星車府。詳見大有九二故有

車象初爲元士義弗得乘故舍車而徒

六二賁其須

六二辰在酉得兌氣兌爲口。說卦又爲輔頰。九家須說文

云面毛也。毛在口頰上故云賁其須。

九三賁如濡如

盧氏曰。有離之文。以自飾。故曰賁如也。有坎之水。以自潤。案二互坎故曰濡如也。集案離辰在午。屬火。坎辰在子。屬水。故盧氏云然。

六四賁如皤如白馬翰如

鄭云。六四。巽爻也。有應於初九。欲自飾。以適初。既進退未定。故皤如也。皤釋文引鄭作皤。音煩。案顧氏易本音。從鄭作皤。周春周易音略云。皤翰爲韻。白馬翰如。謂九三位在辰。得巽氣。爲白馬。翰猶幹也。見六四適初未定。欲幹而有之。禮檀弓疏。周易述云。檀弓曰。殷人尚白。戎事乘翰。

鄭彼注云。翰白色馬也。巽爲白。故白馬翰如。鄭氏謂六四巽爻也。此經以翰爲乾。用易家說。故與禮不同。

六五賁于邱園束帛莛莛

賁上體艮爲邱。

通卦驗

六五離爻辰在午。上值柳。史記天

官書柳爲鳥注。主草木。園圃毓草木。故賁飾邱陵以爲

園圃。隱士之象也。石氏星讚曰。少微四星逸士位。

開元占經

漢書李尋傳。少微處士爲比爲輔。

案少微近午宮

古者招士必

以束帛加璧於上。

賁困旁通。困九五辰在申。上值鬼。開元占經引黃帝占曰。與鬼南星積布

帛。故云束帛莛莛。

子夏傳曰。五匹爲束。三元二纁。象陰陽莛莛。

馬融云。委積貌也。

並釋文

上九白賁

上九辰在戌。西方色白。故云白賁。

剝

初六剝牀以足

夬剝旁通。夬初震爻辰在卯。上值紫微垣天牀。甘氏讚曰。天牀寢舍。解息燕休。開元占經初在下。故爲足。剝消夬。自

初始。故剝牀以足。

六二剝牀以辨

鄭云。足上稱辨。謂近膝之下。訕則相近。曲則相遠。故謂

之辨辨分也。

集解

案夬剝旁通夬二辰在寅上值紫微垣

天牀文獻通考天牀主天子寢舍解息燕休之處夬消於剝由初及二初爲足二在足上故稱辨。

六三剝之无咎

上九辰在戌得乾氣鄭注乾鑿度云乾純陽眾皆剝陽三獨應上无剝害意故无咎。

六四剝牀以膚

九四震爻辰在卯上值紫微垣天牀文獻通考天牀在宮門外聽政之象也爲寢舍也剝消夬至四九變而六

辰在丑得艮氣艮爲膚。

虞翻注

故云剝牀以膚。

六五貫魚以宮人寵

六五辰在卯。上值尾。文獻通考。尾第一星。后也。次三星。夫人。次則嬪妾。魚一星。在尾後河中。主陰事。知雲雨之期。剝比五陰。駢頭相次。有似貫魚。魚爲陰物。六五爲眾陰之主。能有貫魚之次第。故云貫魚以宮人寵。

董真卿周易會

通引徐邈曰。貫穿也。

上九碩果不食。君子得輿。小人剝廬。

上九艮爻。艮爲果。位近丑。上值牛。附星織女。合誠圖。

曰織女主瓜果。

開元占經

故有碩果象。碩果而云不食者。乾

鑿度曰。剝當九月之時。陽氣衰消。而陰終不能盡。陽小

人不能決君子也。

汪喜荀曰。上九辰在戌。得乾氣。說卦乾爲木果。故有碩果象。三已復位。有

頤象。頤中无

物。故不食。得京董作德。

釋文。案釋名云。德得也。得事宜也。疏證云。德說文

作惠。云外得于人。內得于己也。從直從心。今通用德。案上九辰在戌。上值奎附星

王良。郟萌曰。王良。天子奉車。

開元占經

上得乾氣。乾爲君子。

鄭康成乾九三注

又爲德。

姚信繫辭注

禮運曰。天子以德爲車。故曰

君子德車。乾爲野。

虞翻同人象傳注

又爲門。

姚信文言注

門在野外。

廬象也。卦變純坤爲小人。

虞翻遊象注

鄭云。小人傲狠。當剝

廬舍而去。故曰小人剝廬。

周禮地官遺人疏

復

初九不遠復无祇悔

初九辰在子。上值虛。律書曰。虛者言陽氣冬則宛。

正義曰宛

音蘊藏於虛。祖冲之曰。虛爲北方列宿之中。元氣肇初。宜

在此次。故不遠復。祇。鄭云。病也。

釋文

姚配中云。鄭初

得坎氣。坎爲疾病。

虞翻履象注

又爲悔。

虞翻上繫注

出入無疾。故

无祇悔。

六二休復

休釋詁云美也。案初辰在子。得坎氣。坎爲美。虞翻節二九五注比初。故休復。

六三頻復无咎

頻鄭作顛。

釋文顛也。

案頻字本作顛。說文曰顛水涯。人所賓附。頻顛不前而止。鄭作顛。字通也。

案復姤旁通。姤三辰在辰。得巽氣。巽爲進退。爲不果。卦說姤變而復。陰陽氣通。故頻復厲。動而之正。故无咎。

六四中行獨復

六四辰在丑。上值女。文獻通考。女十一度下九尺。爲日月中道。故云中行。鄭云。爻處五陰之中。度中而行。四獨

應初。漢上易傳故云中行獨復。

六五敦復

五互坤。辰在未。屬土。坤爲積土。虞翻泰上注故敦。

上六迷復凶有災眚用行師終有大敗以其國君

凶至于十年不克征

上六體坤爲先迷。李鼎祚復上六注故迷復。鄭云異自內生日

眚自外日祥。害物日災。釋文案上辰在巳。上值軫。黃帝占

曰軫主察凶災。開元占經故有災眚。巳又值紫微垣天樞。

皇甫謐年麻曰。北斗魁一曰天樞。太自主之。開元占經案天

官星占曰。太白者金之精。白帝之子。大將之象也。初學記

故用行師。荀爽云。上行師而距於初。陽息上升。必消羣陰。故終有大敗。國君謂初也。受命復道。當從下升。今上六行師。王誅必加。故以其國君凶也。集解李鼎祚曰。坤主數十。十年之象。惠棟云。坤反君道。故不克征。

无妄

初九无妄往吉

九四辰在午。上值紫微垣文昌。黃帝占曰。文昌星黃潤澤光。萬民安吉。開元占經初往四。故曰往吉。

六二不耕穫不菑畚凶

案周易述云舊脫凶字故卦義不明禮記坊記有之

蓋七十子所傳

當得其實也

六二離爻位近午上值張尚書考靈曜主春者張昏中

可以種稷

古微書

故云耕穫鄭云田一歲曰菑二歲曰新

田三歲曰畚

詩采芑疏一歲也董云

楊升庵經說菑音茲馬云田反草也畚音余又音賒馬云

田三歲也董云悉耨曰畚

易例初二爲地道故云菑畚易緯以无妄

爲大旱之卦遭无妄之世天下雷行不能耕而穫不能

菑而畚故凶凶年也

无妄下體震辰在卯上值尾莊存與云民謂尾爲犁星自无妄

而耕穫菑畚之象見特未富也

六三无妄之災或繫之牛行人之得邑人之災

六三兌爻。上值昴附星天苑黃帝占曰天苑主苑牧犧

牲牛羊之屬。開元占經牛本三有。而失其有。故或繫之牛。上

體乾爲行人。虞翻注乾四據三。故行人之得。三互巽。辰在

巳。上值少微垣長垣。巫咸曰長垣四星。城邑相包。又上

值軫黃帝占曰軫主察凶災。並開元占經三繫於四。故曰邑

人之災。

九四可貞无咎

九四互巽爲咎。虞翻大壯上六注辰在巳。上值少微垣文昌黃

帝占曰文昌第五星爲司中主司過詰咎。開元經四變得位應初承五故可貞无咎。

九五无妄之吉勿藥有喜

九五辰在申上值參附星天屏石氏曰天屏星不具人

多疾。開元經故曰无妄之疾卦上互巽爲草木。李鼎祚否初六象注

下互艮爲石。鄭康成乾鑿度注故稱藥九居五得位得正故勿

藥有喜。

上九无妄行有眚无攸利

四已正上動成坎爲多眚。虞翻九注故行有眚外互巽爲

命令。

陸績巽彖傳注

辰在巳。上值北斗。元命包日。斗爲帝命。

開元

占上柔乘剛。逆巽之命。故无攸利。

大畜

利涉大川

大畜下體乾。辰在亥。上值室。莊存與云。閣道絕漢抵營室。故利涉大川。

君子以多識前言往行以畜其德

亥上值壁。石氏曰。東壁主文章圖書府。

開元占經

故曰君子

以多識前言往行以畜其德。

初九有厲利已

初九辰在子。得坎氣。坎爲疾。虞翻豫六五注又爲災。虞翻逐初六象注

故有厲。四辰在丑。得艮氣。說卦艮止也。趙歧孟子注已止也。四與初應。故利已。

九二輿脫輶

九二坎爻。坎爲車。虞翻小畜上九注辰在子。上值危。附星車府。

故象輿輻。或作輶。卽老子所謂三十輻共一轂者。詳見小畜

脫馬融云。解也。釋文大畜下體乾辰在亥上值壁莊存與云天殿在其上。大畜之賁曰輿脫

輶。其之損曰良馬逐逐。馳驚也。

九三良馬逐利艱貞曰閑輿衛利有攸往

三辰在辰上值軫。文獻通考引張衡云：軫主車駕。故有

馬象。逐逐鄭云：兩馬走也。釋文：案釋文引姚信云：逐逐疾並驅之貌。義與鄭同。

二已變。三在坎中。坎爲艱。虞翻大壯上六注。故利艱貞。三又

上值氏附星天輻。巫咸曰：天輻宰乘輿之官也。開元案：占經

周禮考工記：周人尙輿車，有六等之數。戈也。人也。父也。

戟也。矛也。軫也。皆軫名。蓋有馬則有輿，有衛曰鄭云：人

實反。閑習，日習車徒也。釋文：大畜下體乾，辰在亥上。值羽林，天軍壘辟陳，鈇鉞之屬。

以設守衛，示威武。莊存與云：九三日，日閑與衛，天下雖安，不忘教戰也。

六四童牛之牯

六四辰在丑。論衡物勢丑土也。其禽牛也。困學紀聞季冬出土牛丑

爲牛之證也。五箋集證云乾鑿度孔子曰復表日角鄭氏注云表者人體之章識也。名復者初震爻也。震之體在卯。日出於陽。又初應在六四。於辰在丑。錢大昕云丑爲牛。牛有角。復人表象。是丑爲牛之證。

上值牽牛。史記天官書牽牛爲犧牲。四得艮氣。艮爲童。

虞翻注釋名牛羊之無角者曰童。柳榮宗說文引

經異字通釋云說文辛部童字注云男有鼻曰奴。奴曰

童。女曰妾。从辛。重省聲。人部僮字注云未冠也。从人。童

聲。則童牛之童當爲僮。今經典以童爲童。幼字。僮爲僮

僕。字互。牯者。鄭云巽爲木。互體震。震爲牛之足。足在艮

易已久。體之中。艮爲手。持木以就足。是施牯。周禮大

司寇疏。

六五豮豕之牙

豕謂二也。九二坎爻辰在子。上值室。案廣雅云。營宰曰豕。而說卦云。坎爲豕。與天象合。豮豕猶童牛也。釋獸曰豮豕。豕幼。郭注俗呼小豮猪。爲豮子。最後生者爲么豚。牙。鄭讀爲互。釋文周禮牛人凡祭祀共其牛牲之互。徐邈互音牙。是牙與互通也。

上九何天之衢

鄭云。艮爲手。手上肩也。乾爲首。首肩之間。荷物處。乾爲天。艮爲徑路。天衢象也。後漢書崔駰傳注。融云。四達謂之衢。馬案上九

艮爻位近丑。上值牛。文獻通考。牛七度。日月五星之中

道又甘氏曰。上二星主道路。故云何天之衢。

頤

初九舍爾靈龜觀我朵頤

錢大昕曰。初九辰在子。子爲天龜。

案周語云。日在天龜。又云。出自天龜。韋註。

天龜次名。一曰元枵是也。

龜者。龜屬也。黎世序云。坎位元武。故爲靈

龜。案文獻通考引宋中興天文志。北方黑帝其精元武。爲七宿斗有龜蛇蟠結之象。牛蛇象。女龜象。虛危室

壁皆龜蛇蟠蚪之象。

朵。鄭云。動也。

釋文。

爾我皆指初也。舍靈龜而觀

朵頤。去爾之聰明。而自以爲我有口腹。故不足貴。

六二頤頤拂經于邱頤

釋言云顛頂也。上九辰在戌，得乾氣，乾爲頂。虞翻大過

故云顛頤。五體艮爲邱。通卦經廣雅釋詁常也。拂劉氏

云違也。釋文二宜與五應。今遇五而求養於上，則違常。故

曰顛頤拂經于邱頤。

六三拂頤貞凶十年勿用

頤大過旁通。大過九三，艮爻也。位近丑，上值斗。荊州星

占云：南斗主爵祿。北堂書鈔案：爵祿所以養賢。頤以陰居三。

違於養道，故曰拂頤。三五互坤數十。侯果損故曰十年。坤

又爲用。虞翻蒙初六注故十年勿用。

六四顛頤吉虎視眈眈其欲逐逐

顛頤解見初爻。六四辰在丑得艮氣。艮爲虎。荀九家

經義

述聞云六四居艮之初艮亦爲虎。九家易說卦曰艮爲虎是也。蓋艮爲山故又爲虎。說文曰虎山獸之君也。說卦艮爲黔喙之屬正義曰取其山居之獸。鄭注曰謂虎豹之屬。貧冒之類是艮爲虎也。眈眈馬融云虎下視貌。逐逐劉表作筮筮云遠也。並釋

京房易

傳曰坤爲虎刑。柳雲驥云淮南高誘注曰虎土物也。坤爲土故爲虎。又文獻通考曰白虎金也。金得其性則白虎見。卦兩互坤。坤位西方。上值實沈之次。畢觜參屬之。謂虎指坤亦通。

六五 不可涉大川

五之正。體坎爲大川。

虞翻本卦上九注

辰在子。上值女附星天

津。黃帝占曰。天津有變。水道不通。

開元占經

頤養成於上。五

雖之正。養道未成。故不可涉大川。

上九 利涉大川

上九之五。得正成坎。辰在子。上值女附星天津。文獻通考。天津九星。在虛危北。橫漢中。津梁所渡。故利涉大川。大過

初六 藉用白茅

初六辰在未。上值柳。史記天官書曰：柳主草木。

詳見賁六五

有茅象。藉。說文云：祭藉也。周禮鄉師：大祭祀共茅藉。是也。

九二枯楊生稊。老夫得其女妻。

枯。鄭音姑。云謂無姑。山榆。稊。鄭作蕒。云木更生。謂山榆

之實。

釋文：蕭曩經史管窺云：大過九二：枯楊生稊。康成讀枯爲姑。蓋卽周禮壺涿氏：牝稊于貫象齒之

稊省文。牝稊。姑榆也。稊一作姑。釋木：無姑卽釋草之莖。蕒。急就篇云：莖蕒無姑之實也。無姑一名稊榆。此鄭說之所本也。而俗說讀爲枯槁之枯。非是。

案九二辰在寅。五行大義云：寅者

引也。物牙稍吐。引而伸之。移出于地也。故云枯楊生稊。

張惠言云。二體乾爲老。故老夫。下得巽在初。爲處女。故女妻。案九二坎爻。辰在子。上值女。甘氏讚曰。須女動則嫁娶。將有嫁娶。占于須女。開元占經二與初比而得初。故老夫得其女妻。

九三棟橈凶

棟六書故云。屋正中上衡也。九三互乾。辰在亥。上值危室。黃帝占曰。危爲廟堂。主柱。主蓋屋。以成帝宮。開元占經史記索隱曰。元命包曰。營室十星。埏陶精類。始立紀綱。包物爲室。故有棟象。卦上兌下巽。本末弱。故橈。

九四棟隆吉

九四辰在午。上值張。南宮候曰。張爲天府。

開元占經

故有棟

象。初巽爲高。

卦說

初四二爻。皆失位。易位則吉。故棟隆吉。

沈懋云。九四互乾。辰在亥。上值危室。開元占經引甘氏曰。危主架屋。又引地軸占曰。營室大人之宮。故棟隆。

九五枯楊生華。老婦得其士夫。

鄭注。丈夫年過。娶二十之女。老婦年過。嫁於三十之男。

皆得其子。

詩。桃夭疏。五體兌爲少。故士夫。坎水生木。兌澤灌之。故

周易鄭荀義。巽在終。爲老婦。九

象山榆之花。亦爲有子也。

案九五坎爻。辰在子。上值女。聖洽符曰。

須女者。主嫁娶事也。

開元占經

五過二應初。故老婦得其士

夫。

上六過涉滅頂

爻例上爲頂。上六兌爻。兌爲水澤。

虞翻注

位近西。上值巽

附星積水。石氏曰。積水星明。則大水出。

開元占經案

涉深六

尺。以長爲深。則涉深六尺。過涉則水益深。頂沒兌水中。

故云過涉滅頂。

漢書趙溫云。一爲過。再爲涉。三而不改。滅其頂凶。

坎

初六習坎入于坎窞凶

干寶曰。窞。坎之深也。江河淮濟百川之流。行乎坎中。水

之正也。及其爲災，則泛溢平地而入于坎窞。是水失其道也。刑獄之用，必當於理。刑之正也。及其不平，則枉濫无辜。是法失其道也。集案初辰在未。上值井。晉書天文志。井主水衡。法令所取平也。王者用法平。則井星明。初以非法爲法。猶之以水濟水。入之愈深。出之愈難。故曰入于坎窞凶。

九二 求小得

九二辰在寅。得艮氣。艮爲求。虞翻蒙象注又爲小小。鄭康成

注故云求小得。得謂得初也。

旅初六

六三 險且枕

險。鄭本作檢。云木在手曰檢。在首曰枕。釋案六三兌爻。

辰在酉。上值昴。黃帝占曰。昴星大牢獄也。王者承天以

刑獄事。以檢注奢。開元占經檢。卽桎梏之刑。此與上之係用

徽纆類。枕止也。虞翻注。三辰在亥。上值危。附星人星。文獻

通考。人星。一曰臥星。張惠言云。人臥則止。以枕止之。故

云檢且枕。

六四 樽酒簋二用缶納約自牖

鄭云。六四上承九五。又互體在震上。爻辰在丑。丑上值

斗可以斟之象斗上有建星惠棟云建星六星在南斗北賈逵曰古黃帝夏殷周

魯厥冬至日在建星建星卽今斗建星之形似簋貳副

也建星上有弁星惠棟云古氏星經謂之天弁在建近河弁星之形又如

缶天子大臣以王命出會諸侯主國尊于簋副設元酒

而用缶也詩苑耶疏毛西河云此以卦象方位解爻義者周易鄭荀義云六四象大臣出會諸

侯四承九五天子大臣之象九二互體震爲諸侯王人

位諸侯之上震動坎聚故四象出會諸侯尊簋貳缶主

國饗之之禮也經言拾遺云禮器曰五獻之尊門外

缶門內壺注云壺大一石缶大小未聞亦引坎四曰尊

酒簋貳用缶則此樽卽禮器所云五獻之尊也
九五坎不盈祇既平

九五坎爻。辰在子。子爲元枵。爾雅元枵。虛也。郭注。虛在正北。北方色黑。枵之言耗。耗亦虛意。惟虛故不盈。祇鄭云當爲坻。小邱也。釋文。詩蒹葭宛在水中央。坻傳。坻水中高地也。案九五辰在申。得坤氣。坤爲積土。虞翻泰上六注。故有坻象。

上六係用徽纆。寘于叢棘。三歲不得凶。

鄭云。繫拘也。爻辰在巳。巳爲蛇。蛇之蟠屈。似徽纆也。公羊

疏。巳爲蛇。詳見坤上六注。案釋文引馬融云。徽纆索也。劉表云。三股曰徽。兩股曰纆。皆索名。言眾議於九

下也。張惠言云。坐嘉石者。常桎梏。此繫用徽纆。則將入

園土者。置之外朝。議其罪也。上乘艮。艮爲土。爻辰在巳。

乾位。乾爲圓。故象入園土。先賓叢棘。坎爲陷。在坎三爻。故三歲不得。案。巳上值紫微垣天牢。開元占經引黃帝禁暴橫。故云。眞于叢棘。

離

畜牝牛吉

離爲牝牛。

九家說卦。離爲牛。離一陽居二陰之中。

九經古義云。左傳。卜楚邱曰。純二謂之黃離。牝牛之象。畜離互巽兌。兌辰在酉。上值昴

之者。畜其類也。與九家合。離互巽兌。兌辰在酉。上值昴

附星天苑。文獻通考。天苑主馬牛。羊。天苑西有芻藁六

星。以供牛馬之食也。故云畜牝牛。

初九履錯然

初九辰在子。上值虛危。佐助期曰。虛危爲禮堂。開元占經鄭

禮記序曰。禮者履也。統之於心曰禮。踐而行之曰履。初爲足。故爲履錯。釋文云。馬七路反。置也。案序卦云。有上下。然後禮義有所錯。故履錯然。

六二黃離元吉

鄭云。離南方之卦。離爲火。土託位焉。土色黃。火之子。喻子有明德。能附麗於父之道。文王之子發。且是也。慎成其業。故吉矣。文選顏延年應詔燕曲水作詩注初

學記皇太子部

御覽一百四十六

九三日昃之離不鼓缶而歌則大耋之嗟

三互兌爲西。

虞翻小畜彖傳注

日昃在西方故云日昃之離。

集解

引荀爽日初爲日出二爲日中三爲日昃

鄭云艮爻也位近丑丑上值弁

星弁星似缶詩云坎其擊缶則樂器亦有缶。

詩宛邱疏惠棟云

位近丑據周天玉衡圖也丑爲大寒艮爲立春故云近也。徐文靖經言拾遺云爾雅盜謂之缶郭注缶盆也

又史記藺相如使秦王鼓缶是樂器爲缶也缶於易凡三見比初有孚盈缶則缶是注水之器坎四用缶注云

設元酒以缶則缶又酒器也。艮爲手。說卦故爲擊。三辰此云鼓缶則缶又樂器也。

又在辰上值軫文獻通考軫七星主樂府歌謔之事。三

互兌爲口。說卦故歌。

鄭云大耋年踰七十。禮記疏億九年左傳伯

舅至老服虔案軫上有長沙文獻通考長沙主壽命長日七十日耆沙明則人壽長故云大耋嗟釋詁云騫也

九四突如其來如焚如死如棄如

鄭云震爲長子爻失正又互體兌兌爲附決子居明法之家而無正何以自斷其君父不志也突如其來張惠言云當作沓

震之失正不知其所如又爲巽巽爲進退不知所從不孝之罪五刑莫大焉用議貴之辟刑之若如其所犯之罪焚如殺其親之刑死如殺人之刑也棄如流宥之刑

周禮秋官掌職疏

案九四辰在午上值七星附星內平文獻通

考內平主廷平。故世子不孝。則以刑正之。

六五出涕沱若戚嗟若

離爲目。

說卦

鄭云。自日出日涕。

漢上易

案五失位。出離爲坎。

辰在子。上值虛。史記天官書。虛爲哭泣之事。

索隱曰。姚氏案。荆州

占。以爲其宿二星。南星主哭泣。虛中六星不欲明明。則有大喪也。

故出涕沱若。坎又近

亥。分野略例云。自危十六度。至奎四度。於辰在亥爲誼。訾。訾者。歎息也。故戚嗟若。

上九王用出征。有嘉折首。獲匪其醜。

五正爲王用。謂用上九也。上九辰在戌。上值奎。石氏曰。

奎主庫兵。禁不時。開元占經故王用出征上得乾氣。乾爲首。

說卦坤二五來折乾。故有嘉折首。醜類也。韋昭周語况爾小醜注乾

陽征得坤陰。故獲匪其醜。徐文靖云宣公十二年左傳

右入壘折馘執俘而還是折首。謂折馘也。獲匪其醜謂執俘也。